

## Khangluite Hun khendan

Written by Pu Thang Siangh

Sunday, 15 November 2009 00:51 - Last Updated Sunday, 15 November 2009 01:21

---



Nikhat kici sun leh zan kigawm nai-24 pen leipancil aa kipan a paipai ahi hi. Nipi-khat sungah ni-sagih om-a, tua nite pen min kiguan ciat hi. Nipikaal-khat sungaa ni-sagih om penzong leipancil pan mah a, Pasian seh ahi hi. Leitung dangte tawh kizopna neilo Taanglai i Pu i Paten koipan ngah hiding uh hiam, i thei kei hi. Ahihangin minam thupi pan hong piang hikeileh, Nipikaal-khat ni-sagih cihleh, tua ni-sagihte min kician sinsen aa neihna ding thu omlo hi. Africa gam leh tuikulh tungaa teeng' minam puansilhlo a tamzaw in, Nipikaal simna cih bang neikhollo uh hi. Khanglui mimasate in Calendar hoihtak nei uh hi. Amau Laibu pen a khuak ahi hi. Ni, Kha, Kumte pen a mintawh ciamtehin, khuahun paizia khempeuh thei uh hi. Tua khuahun zui-in kalsuan aa nungta uh hi. A lungsim bektawh a kiciamteh, nipikaal simnate, khate mangngilh ngei selo hi.

**Nipikaal sungaa om minte** Sunday-----Nipi ni. Monday-----Thangsa ni Tuesday---  
-----Lakmai ni

Wednesday-----Ningthokah ni

Thursday-----Leipak ni

Friday-----Zumsakeih ni

Saturday-----Sakon ni.

**Khasimna** Dota-----[ January16- February15 ] Dopi-----[ February16- March  
15] Zingkha-----[

March16-April15] Gamkha-----  
----[ April16-May15]

Taangsihkha-----[ May16-June15]

Tangkha-----[ June16-July15]

Phalkha-----[ July16-August15]

Khuadokha-----[ August16-September15]

Nokha-----[ September16-October15]

Kaukha-----[ October16-November15]

## Khangluite Hun khendan

Written by Pu Thang Siangh

Sunday, 15 November 2009 00:51 - Last Updated Sunday, 15 November 2009 01:21

---

Theinosikhka-----[ November16-Dember15]

Tunnkha-----[ December16-January15]

Kawlka leh Zomite khasimna kibang hi. Kawltawh kinaipen ihih ciangin amau tungpan kingah hithei kha ding hi. Ahi zongin i Pu i Pate in van aa Ni leh Kha, Aksi zawlzawngte en in, hunkhen uh ahihmanin kibang zong hithei kha ding hi.

**Khuahun khendan.** *Khuakhal-hun* Khamtungah Tuk, Phalbi, Khuakhal kici khuahun-3 in kikhen hi. Hunkhatah kha-4 ta ki-omsak hi. Khuakhal-hun sung aa-om khate pen

### **Tunkha, Dotakha, Dopikha,Zingkha**

ahi hi. Hih hunsungin Lopawi uh hi. Khamtungah a lum leh avot tawh kizui khuahun-3 in kikhen hi. Simga,Gamlai, Zo[tamgam] kici hi. A niamlam gundung nisamun teng pen Simgam kici hi. A laizang alum-avot hoihbekna munte pen Gamlai kici hi. Mualdawn avotpenna munte pen Tamgam or Zo kici hi. Amun zui-in lopawi-hun leh anlak-hun kibanglo hi. Simgam pen an kilabaih hi. Tamgam pen zekai hi.

Lopawi-hun pen thupi mahmah hi. Zekai le-u ankun hoihlo hi. Khuahun paipai tawh kidemin naseem uh hi. Cim sel dingin kipan hi. Cimno selhun pen lopawihun hoih pen ankungte khuasuak pen hun hipah hi. Nisa mahmah leh guahtui luan kipat kituak a ankungte khangnuam hi. Khuahun tawh kidemin naseem ahihmanin gim mahmah hi.

- a. Taangni sa ei kadunag damtui phuul, mazap tulta nang khan aw, naliimnuai aw e.
- b. Mazap tulta nang khan aw naliimnuai aw e, khang Ciautui a, limnga bang laamnuam naveng e.....ci-in lasa ngeungeu uh hi.

Singkung liante tehno suakin vasate khuang kiau'kiau' uh hi. Vasate in bu tom uh hi. Anu leh apate kidelhsuk kidelto uh hi. Vasa namkim haam kiza a, lokhawh gimtawh, khawhsa ante beikuanin kicial pianpian kawmtawh, tangkhua khaaln huih nung aa singtehte vantungah lenin laam diaidiai uh hi. Lohaalna muikaite mualdawnah muiciciai a, meigong tagahte leh uusi nausite lungleengin kapkap thei mawk uh hi. Vasate a lamdang dangin ham uh hi. Tua te in lungsim ngeek sukha mahmah hi.

